

STATUTI I
SHOQËRISË ME PËRGJEGJËSI TË KUFIZUAR
“X Energy” SH.P.K

KAPITULLI I
THEMELIMI, OBJEKTI, SELIA, DHE HAPËSIRA NË INTERNET

Neni 1: Themelimi

Sot, me 21/09/2023 (dymije e njezet e tre), ne mbeshtetje te legjislacionit shqiptar respektivisht ligjit Ligjit Nr. 9901, date 14.04.2008 “Per tregtaret dhe shoqerite tregtare”, Ligjit Nr. 9723, date 03.05.2007 “Per Qendren Kombetare te Regjistrimit”, themeluesit, kane krijuar nje shoqeri me pergjegjesi te kufizuar me emrin “X Energy” shpk

Ortaket e shoqerise jane:

- **Shoqeria e te drejtes shqiptare D Energy Albania shpk**, regjistruar me NUIS M11724036S, e perfaqesuar ne kete statut nga Administratorja, znj. Ana Arapi, shtetase shqiptare, lindur me 04.09.1988, ne Tirane, dhe banuese ne Tirane, mbajtese e leternjoftimit me nr. Personal I85904052J;
- **Shoqeria e te drejtes shqiptare Enerwind shpk**, regjistruar me NUIS M11807011U, e perfaqesuar ne kete statut nga Administratorja, znj. Jola Haxhistasa, shtetase shqiptare, lindur me 08.06.1980, ne Berat, dhe banuese ne Tirane, mbajtese e leternjoftimit me nr. Personal I0560806;
- **Shoqeria e te drejtes shqiptare Faico Solar shpk**, regjistruar me NUIS M11724038L, e perfaqesuar ne kete statut nga Administratorja, znj. Jola Haxhistasa, shtetase shqiptare, lindur me 08.06.1980, ne Berat, dhe banuese ne Tirane, mbajtese e leternjoftimit me nr. Personal I05608063E
- **Shoqeria e te drejtes shqiptare Finova Albania LLC shpk**, regjistruar me NUIS M11725003B, e perfaqesuar ne kete statut nga Administratorja, znj. Romina Hasanaj, shtetase shqiptare, lindur me 15.04.1994, ne Tirane, dhe banuese ne Tirane, mbajtese e leternjoftimit me nr. Personal J45415042Q
- **Shoqeria e te drejtes shqiptare Valorem Energy shpk**, regjistruar me NUIS M11727012K, e perfaqesuar ne kete statut nga Administratorja, znj. Romina Hasanaj, shtetase shqiptare, lindur me 15.04.1994, ne Tirane, dhe banuese ne Tirane, mbajtese e leternjoftimit me nr. Personal J45415042Q

Neni 2: Objekti i veprimtarisë

Shoqëria ka si objekt veprimtarie:

- Prodhimin e energjise elektrike nga burime te rinovueshme;
- Ndertimi i centraleve prodhuese per prodhimin e energjise se rinovueshme
- Import-eksport, tregtim, furnizim me shumice dhe pakice te energjise elektrike.
- Cdo aktivitet tjeter qe perputhet me legjislacionin shqiptar ne fuqi dhe qe konsidrohet nga shoqeria me perfitim dhe i dobishem per arritjen e objektivave te saj kryesore;

Neni 3: Kohëzgjatja

Kohëzgjatja e veprimtarisë ekonomike e Shoqërisë Tregtare “X Energy” sh.p.k fillon me regjistrimin juridik dhe fiskal te saj dhe do te vazhdoje për një periudhe te pacaktuar.

Ajo mund të shpërbehet në çdo moment, sipas vendimeve të marra nga asambleja e ortakëve.

Neni 4: Selia, hapësira në internet dhe adresa elektronike

- (1) Shoqëria e ka selinë ligjore të regjistruar në adresën: Njesia Bashkiake Nr. 1, Rruga Hasan Sufa, Pallati 3, Shkalla 1, Tirane.
- (2) Shoqëria mund të zhvillojë veprimtarinë e saj ekonomike në të gjithë territorin e Shqipërisë si edhe jashtë saj duke hapur degë dhe/ose zyra përfaqësimi, filiale, agjenci etj. në qendra të tjera administrative në përputhje me legjislacionin e vendeve në të cilat ato hapen.

KAPITULLI II
Kapitali dhe kuotat

Neni 5: Shumat dhe pagesat e kapitalit themeltar

Kapitali i shoqërisë është 100 (njëqind) Lekë. Kapitali i shoqërisë perbehet nga 5 (pese) kuota në zotërim të ortakëve si në vijim:

- Shoqëria D Energy Albania shpk, mbajtëse e 1 (nje) kuote, të barabrate me 20% të pjesëmarrjes në kapitalin e shoqërisë, të barazvlefshme me 20 leke (njetzet);
- Shoqëria EnerWind shpk, mbajtëse e 1 (nje) kuote, të barabrate me 20% të pjesëmarrjes në kapitalin e shoqërisë, të barazvlefshme me 20 leke (njetzet);
- Shoqëria Faico Solar shpk, mbajtëse e 1 (nje) kuote, të barabrate me 20% të pjesëmarrjes në kapitalin e shoqërisë, të barazvlefshme me 20 leke (njetzet);
- Shoqëria Finova Albania LLC shpk, mbajtëse e 1 (nje) kuote, të barabrate me 20% të pjesëmarrjes në kapitalin e shoqërisë, të barazvlefshme me 20 leke (njetzet);
- Shoqëria Valorem Energy shpk, mbajtëse e 1 (nje) kuote, të barabrate me 20% të pjesëmarrjes në kapitalin e shoqërisë, të barazvlefshme me 20 leke (njetzet);

Neni 6: Zmadhimi dhe zvogëlimi i kapitalit

Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, nëpërmjet emërimit nga gjykata kompetente e një eksperti të autorizuar për këto kontribute sipas kërkesës së administratorit. Në asnjë rast shumica nuk mund të detyrojë një ortak për të rritur angazhimin e tij në kapitalin themeltar të shoqërisë.


Zvogëlimi i kapitalit lejohet nga asambleja e ortakëve, e cila merr vendim në të njëjtat kushte që kërkohen për ndryshimin e statutit.

Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.

Neni 7: Transferimi i kapitalit

Kuotat e kapitalit të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;



c) trashëgimisë;

d) dhurimit;

e) çdo mënyre tjetër të parashikuar me ligj.

Pjesët e kapitalit themeltar janë lirisht të transferueshme ndërmjet ortakëve, për sa nuk parashikohet ndryshe ne statut.

Pjesët e kapitalit themeltar janë lirisht të transferueshme me rrugë trashëgimie.

Neni 8: Kalimi i pjesëmarrjes me kontratë

1. Kontrata e kalimit të pjesëmarrjes bëhet me shkrim dhe në bazë të formaliteteve të vendosura nga Administratorët. Kalimi i pjesëmarrjes i njoftohet shoqërisë në selinë e saj ligjore.

2. Në rastin e transferimit me ane të shitjes, rezervohet në favor të ortakeve të tjera e drejta e parablerjes.

Për këtë qëllim ortaku që ka ndërmend të shesë tërësisht ose pjesërisht pjesëmarrjen e tij duhet të njoftojë me ane të letres rekomande ortakët e tjera, duke saktësuar çmimin dhe modalitete të tjera të shitjes.

Ortakët e tjerë mund të behën blerës të pjesëmarrjes së ofruara në proporcion me pjesëmarrjen e shoqërisë të zotëruara nga ata.

Brenda tridhjetë ditëve nga komunikimi i bere nga ortaku që ka ndërmend të shesë pjesëmarrjen e tij, ortakët e tjera duhet të komunikojnë nëse kanë ndërmend të ushtrojnë të drejtën e parablerjes.

Pasi ka skaduar ky afat dhe asnjë ortak nuk ka kërkuar blerjen e pjesëmarrjes, e drejta e parablerjes do të quhet e ezauruar.

Në rast se nuk ushtrohet e drejta e parablerjes, transferimi tek të tjerët jo ortake është sidoqoftë i varur nga miratimi i ortakeve të tjera;

3. Momenti i kalimit të pronësive përcaktohet në kontratën e shitjes së pjesëmarrjes dhe ka efekt ndaj të tjerëve me regjistrimin e ndryshimeve përkatëse në Regjistrin tregtar.

KREU III ORGANET VENDIMMARRESE DHE DREJTUESE

Neni 9: Organi Vendimmarrës

Asambleja e Ortakeve është organi i vetëm vendimmarrës i shoqërisë.

Asambleja e Ortakeve është organi i vetëm vendimmarrës i shoqërisë që miraton çdo ndryshim të statutit sipas modaliteteve të përcaktuara në ligj.

Asambleja e përgjithshme e ortakeve është përgjegjëse për marrjen e vendimeve për shoqërinë për çështjet e mëposhtme:

a) përcaktimin e politikave tregtare të shoqërisë;

b) ndryshimet e statutit;

c) emërimin e shkarkimin e administratorëve;

d) emërimin e shkarkimin i likuiduesve dhe të ekspertëve kontabël të autorizuar;

e) përcaktimin e shpërblimeve për personat e përmendur në shkronjat "c" dhe "ç" të kësaj pike;

f) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;

g) miratimin e pasqyrave financiare vjetore dhe të raporteve të ecurisë së veprimtarisë;

h) zmadhimin dhe zvogëlimin e kapitalit;

- i) pjesëtimin e kuotave dhe anulimin e tyre;
- l) përfaqësimin e shoqërisë në gjykatë dhe në procedimet e tjera ndaj administratorëve;
- m) riorganizimin dhe prishjen e shoqërisë;
- n) miratimin e rregullave procedurale të mbledhjeve të asamblesë;
- o) çështje të tjera të parashikuara nga ligji apo statuti.

Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë.

Administratori i shoqërisë nuk mund të veprojnë si përfaqësues i ortakëve në asamblenë e përgjithshme.

Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëjtin rend dite.

Neni 10: Mënyra e thirrjes se mbledhjes se Asamblese se Pergjithshme

Asambleja e përgjithshme thirret nëpërmjet një njoftimi me shkresë ose me çdo mjet tjetër të përshtatshëm për këtë qëllim, për shembull nëpërmjet postës elektronike drejtuar ortakut. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.

Kur asambleja e përgjithshme nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

Neni 11: Kuorumi

Mbledhjet mund të mbahen në Shqipëri ose jashtë saj, me praninë, personalisht, me ane të autorizimit me shkrim ose me video-konferencë, të kuorumit të kërkuar në vijim të këtij statuti.

Në rastin kur mbledhja mbahet në video-konferencë, Kryetari i mbledhjes dhe sekretari i saj duhet të jenë në të njëjtin vend në mënyrë që të përpilojnë dhe nënshkruajnë procesverbalin e mbledhjes. Në këtë rast është e nevojshme që mbledhja të mbahet me praninë e një noteri.


Në rastin e mbledhjeve që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30% të pjesëmarrjes.

Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit "Për Tregtarët dhe Shoqëritë Tregtare", ajo mund të marrë vendime të vlefshme vetëm, nëse ortakët me të drejtë vote, që zotërojnë më shumë se 51% të pjesëmarrjes.

Nëse asambleja e përgjithshme nuk mund të mbledhet për shkak të mungesës së kuorumit të përmendur më lart, asambleja mbledhet përsëri jo më vonë se 30 ditë, me të njëjtin rend dite.

Neni 12: Marrja e vendimeve

Asambleja e përgjithshme vendos me tri të katërtat e votave të zotëruesve të kapitalit të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.



Asambleja e përgjithshme vendos me shumicën e votave të ortakëve pjesëmarrës, për çështjet e tjera si:

- a) përcaktimi i politikave tregtare të shoqërisë;
 - b) emërimin dhe shkarkimin e administratorëve;
 - c) emërimin e shkarkimin i likuiduesve dhe të ekspertëve kontabël të autorizuar;
 - d) përcaktimin e shpërblimeve
 - e) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - f) përfaqësimin e shoqërisë në gjykatë dhe në procedimet e tjera ndaj administratorëve;
 - g) miratimin e rregullave procedurale të mbledhjeve të asamblesë;
- Cdo ndryshim statuti duhet të depozitohet pranë QKR për të pasqyruar ndryshimet në skedën e shoqërisë.

Neni 13: Përgjashtëmi nga e drejta e votës

1. Ortaku nuk mund të ushtrojë të drejtën e votës nëse asambleja e përgjithshme merr vendim për:
- a) vlerësimin e veprimtarisë së tij;
 - b) shuarjen e ndonjë detyrimi në ngarkim të tij;
 - c) ngritjen e një padie ndaj tij nga shoqëria;
 - d) dhënien ose jo të përfitimeve të reja.

Neni 14: Administrimi

- (1) Asambleja e përgjithshme emëron një ose më shumë persona fizikë si administratorë të shoqërisë. Afati i emërimit, është 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Regjistrimit.
- (2) Administratorët e një shoqërie tregtare mëmë, sipas përcaktimit të nenit 207 të këtij ligji, nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.

Neni 15: Kompetencat e Administratorëve

Administratorët kanë të drejtë e detyrohen të:

- a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
- d) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- e) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- f) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- g) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

h) kryejnë detyra të tjera të përcaktuara në ligj dhe në statut.

Administratores janë të detyruar të thërrasin Asambleenë e Përgjithshme, në rastet kur:

- sipas bilancit vjetor apo raporteve të ndërmjetme financiare, rezultojnë ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.
- shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.

Nëse asambleja e përgjithshme emëron më shumë se një administrator, ata e administrojnë bashkërisht shoqërinë.

Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

Neni 16: Përgjegjësitë e Administratorit

Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Pasojat e marrëveshjeve të pa miratuara nga asambleja që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.

Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Per Tregtarët dhe Shoqëritë Tregtare", administratori detyrohet:

1. a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;

b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;

c) të vlerësojë me përgjegjësi çështjet, për të cilat merret vendim;

d) të parandalojë dhe mënjanojë rastet e konfliktit, prezent apo të mundshëm, të interesave personalë me ata të shoqërisë;

e) të ushtrojë detyrat e tij me profesionalizmin dhe kujdesin e nevojshëm.

2. Administratori, gjatë kryerjes së detyrave të tij, përgjigjen ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.

3. Nëse administratori vepron në kundërshtim me detyrat dhe shkel standardet profesionale, sipas pikave 1 e 2 të këtij neni, është i detyruar t'i dëmshpërblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidarë.

4. Në mënyrë të veçantë, por pa u kufizuar në to, administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit "Per Tregtaret dhe Shoqerite Tregtare", kryen veprimet e mëposhtme:

- a) u kthen ortakëve kontributet;
- b) u paguan ortakëve interesa apo dividendë;
- c) u shpërndan aktivet shoqërisë;
- d) lejon që shoqëria të vazhdojë veprimtarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
- e) jep kredi.

Përveç padisë për shlyerjen e dëmit që i ngarkohet personalisht administratorit, ortakët individualisht ose se bashku, kanë të drejtë të ngrenë padi penale kundër administratorit Paditësit kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme. Asnjë vendim i asamblesë nuk mund të ndalojë ngritjen e kërkesëpadisë kundër administratorit për gabimet e kryera prej tij gjatë ushtrimit të detyrës.

Kreu IV

Viti financiar-ekspertet

Neni 17: Viti Financiar

Viti financiar i Shoqerise fillon me 1 Janar dhe perfundon me 31 Dhjetor. Perjashtimisht, viti i pare financiar fillon nga data e regjistrimit te shoqerise ne Qendren Kombetare te Regjistrimit dhe mbyllet me 31 Dhjetor.

Neni 18: Ekspertet

Eksperti ka per detyre qe te kontrolloje te gjithë dokumentacionin kontabel të veprimtarise ekonomiko tregtare të shoqerise, ate gjithë vjetor dhe ate ne lidhje me kontrollet periodike të ushtruara prej tij per rastet kur ai eshte ngarkuar dhe ka kryer nje gje të tille i ngarkuar nga ana e ortakeve.

Ne perfundim të kontrollit eksperti kontabel i autorizuar pergatit raportin me shkrim per nxjerrjen e rezultatit të bilancit financiar vjetor si dhe per ate per kontrollet periodike të ushtruara, të cilat eshte i detyruar qe t'ja paraqese e dorezoje ne kohe ortakeve per t'i shqyrtuar e miratuar mbi bazen e të drejtes vendimore qe ka.


Kreu V

Prishja –riorganizimi i shoqërisë

Neni 19: Prishja dhe likuidimi

Shperndarja ose prishja e shoqerise mund të behet ne cdo kohe :

- a) kur mbaron kohëzgjatja e parashikuar në themelimin e saj;
- b) me vendim të Asamblese se Ortakeve;
- c) me hapjen e procedurave të falimentimit;
- d) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
- e) me vendim të gjykatës;



Ne kete rast Ortaket merrin vendim me shkrim ne të cilin parashikojne menyren e likuidimit të shoqërise, duke caktuar 1 apo disa likuidatore dhe shenuar ne cdo dokument të nxjerre prej tij emrin e likuidatorit dhe emertesen shtese "Shoqeri ne likuidim e siper".

Prishja e shoqërive tregtare ka si pasojë hapjen e procedurave të likuidimit në gjendjen eafhtësisë paguese, me përjashtim të rasteve kur është nisur një procedurë falimentimi.

Likuidimi kryhet nga likuiduesit e emëruar nga Ortaket.

Nëse Ortaket nuk marrin një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

Neni 20: Riorganizmi i shoqërisë bashkimi-ndarja

Shoqëria mund të ndahet, bashkohet sipas Vendimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 "Për tregtarët dhe shoqëritë tregtare."

Neni 21: Baza Ligjore

Shoqëria do të zhvillojë aktivitetin e tij në përputhje të plote me kete statut dhe dispozitat e legjislacionit shqiptar.

Per sa nuk parashikohet ne kete statut, do të zbatohen dispozitat e ligjit "Per tregtarët dhe shoqërite tregtare", Kodit Civil dhe çfarëdo ligji tjetër specifik në Republikën e Shqipërisë.


Neni 22: Mosmarrëveshjet

Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tretëve, do të jetë kompetente Gjykata Shqiptar.


ORTAKE TE SHOQËRISË ME PËRGJEGJËSI TË KUFIZUAR

"X Energy" shpk


Shoqëria D Energy Albania shpk
Perfaqesuar nga administratorja
Znj. Ana Arapi




Shoqëria EnerWind shpk
Perfaqesuar nga administratorja
Znj. Jola Haxhistasa



Shoqëria Faico Solar shpk
Perfaqesuar nga administratorja
Znj. Jola Haxhistasa



Shoqëria Finova Albania/LLc shpk
Perfaqesuar nga administratorja
Znj. Romina Hasanaj



Shoqëria Valorem Energy shpk
Perfaqesuar nga administratorja
Znj. Romina Hasanaj

